

feriori 1000, debet prouenire numerus initiò positus, videlicet 694, si vera fuit illa positio; sin falsa foret, ergo operareris secundum præcepta regulæ, & eliceres veram positionem.

Vides hoc altero theoremate prouenire non alios, quàm superiores numeros: vnde certum est ambo theoremata forma quidem differre, sed reuera coincidere, & niti eodem fundamento, quod tamen quo pacto fiat, inuestigare hætenus nunquam potui.

C A P V T XXI.

Quid ex defectu colligendum.



IC igitur hoc alterum argumentum habet: quo probatum est Aristotelis autoritate, potiores esse nouas hypotheses, propterea quòd per eas motus duplici nomine, & virtutis intentione, & celeritate reditus fiant proportionales ἀποσήμασι Copernicanis, quod in veterum de mundo traditione fieri nullo pacto potuit. Atque hæc quidem huius de motu tractatus intentio sola debebat esse. Verùm non difficile mihi est conijcere; extituros, qui optauerint, vt hanc ultimam opusculi partem omissem. Etenim (dicent) si veram per corpora proportionem cælorum constituissem: vtique motus illam confirmarent. Veritas enim à seipsa non disidet. Atqui vides ipse, Keplere, quantum inter se disideant motus & corpora, hoc est distantia vtrinque extructa. Quare nudum hosti latus obijcis, imò teipsum feris, nec opus alieno iugulere gladio.

His igitur vt respondeam, primùm inuerto rationem, & ipso-
rū, imò omnium appello iudiciū & conscientiam; vtum argumen-
tum putent verisimilius esse, num alterum de corporibus, an hoc
de motu. Neque mihi probabile est, quenquam aliter dicturum,
quàm hanc motuum ad orbis accommodationem admodum con-
cinnam esse, atq; admirabile Dei opificis χειρὸς ἔργημα. Proinde si al-
terutri argumento fides habenda sit, huic præ corporibus, astipu-
laturus, tanquam rei magis euidenti: quamuis numeri adhuc ali-
quantum à Copernicanis discrepent. Quod si obtinui Lectoris con-
fessione, vtar pro confirmatione corporum, & excusatione discor-
diæ illius, vt quæ multis partibus minor est, quàm hæc in motu dis-
sonantia. Nam si Lector hic propter concinnitatem inuenti ma-
gnam